

大同縣志卷三

沿革

地表

地考

民里

屯里

辨證

士生千百年之後而欲使千百世之上其時代沿革無不覈實也蓋亦難矣雲中平城古大同也而新興定襄聚訟紛紛然以今時之定襄為雲中而以盛樂故城為平城豈不流於穿鑿附會也歟哉蓋山川千古不易紇真如渾今俱近在城外而謂此非平城可乎雲西雲左由於武周山之名雲岡也此不謂之雲中得乎茲以古今分合見於史傳者錄著於篇以俟博雅君子考訂焉

地表

大同縣志

卷三

沿革

一

統隸

分屬

縣名

唐

冀州

虞

并州

夏

冀州

商

冀州

代國

周

并州

代國

趙國

秦

鴈門郡

雲中郡

代郡

漢 并州

鴈門郡

平城

東漢 并州

鴈門郡

平城

雲中郡

魏晉 并州

鴈門郡

平城

新興郡

北魏 恒州 代都

代郡

平城

太平

武周

永固

大同縣志 卷三

沿革

二

北齊 北恒州

北周 北朔州

隋 馬邑郡

雲內

恒安鎮

神武

唐 河東道

雲州雲中郡

雲中

後唐

雲州 大同軍

應州 彰國軍

遼 西京道

大同府

大同

雲中

宋 雲中府路 雲中府

金 西京路 大司府 大同

雲中

元 河東山西道 大同路 大同

明 山西布政司行都 大同府 大同

國朝 山西布政司 大同府 大同

晉政輯要內載大同縣知縣一缺附郭首邑地當孔道事務繁多素稱難理向因賦多逋欠原擬兼四最要缺自積欠罄免節年全完改爲衝繁難要缺在外題補

大同縣志 卷三

沿革

三

周大同川地戰國趙雲中縣 遼史地理志大同縣本大同川地

析雲中地置雲中縣趙置按唐書地理志中受降城西二百里

大同川有天德軍天寶十三載置乾元後徙屯永濟柵故大同

城也元和九年李吉甫奏修復舊城此在長城之外距今縣七

百餘里然後之名軍名府名縣實肇始於此

漢爲鴈門郡之平城縣 漢書地理志平城東郡都尉治莽曰平

順按高帝紀七年擊韓王信於代至平城被圍卽此郡國志平

城註亦言前書高帝被圍白登去縣七里

魏晉皆爲平城縣屬鴈門郡 晉書地理志魏黃初元年復置并

州至晉因而不改統郡國六縣四十五鴈門郡有平城縣

北魏平城縣屬恒州代郡 按魏書穆帝修故平城為南都天興元年自雲中徙都平城見帝紀天興中置司州代郡平城平城二漢晉屬鴈門後屬代郡見地形志是北魏代郡之平城即二漢鴈門郡之平城也

北齊太平縣之恒安鎮 按隋書地理志後魏立平齊郡尋廢後齊改曰太平縣後周改雲中開皇初改雲內遼史地理志高齊文宣帝廢恒州為恒安鎮其文蓋互見當為太平縣之恒安鎮猶唐書地理志雲中下云本隋馬邑郡雲內之恒安鎮也又按魏代郡有太平縣見地形志縣名非自齊始

北周改曰雲中屬朔州 隋書地理志後齊太平縣後周改曰雲

大同縣志

卷三

沿革

四

中遼史地理志周復恒安鎮改朔州按雲中縣二漢屬雲中郡魏晉屬新興郡北魏雲中併入定襄皆非今縣地大同之稱雲中昉於此

隋改雲內縣隸馬邑郡 隋書地理志雲內後周雲中縣開皇初

改有紇真山 在今縣北 白登山 今名馬舖山在縣東十五里 武周山 在今縣西二十

里 濕水即桑乾河由今應州入縣境 按遼金元史地理志有雲內州當在今

朔平府平魯縣西非此雲內

唐置定襄縣復改雲中屬雲州雲中郡 唐地理志雲中縣本隋

馬邑郡之恒安鎮貞觀十四年置定襄縣永淳元年廢開元十

八年復置更名東有牛皮關 今縣東五十里有牛皮嶺 明一統志大同城西

北二十八里有定襄城

五代唐仍為雲中縣隸雲州大同軍 按五代史職方考雲州下不列縣名第云州縣凡唐故而廢於五代及縣之割隸今因之者皆列以備考其餘不足書是雲中仍舊可知

遼始置大同縣 此大同縣得名之始 隸西京 遼史地理志重熙十七年析

雲中縣置按唐鎮北大都督府有大同縣屬關內採訪使距今大同甚遠

金仍為大同縣大同府治 金史地理志大同倚遼析雲中置金

因之有方山 在今縣北五十里 岐王山 在今縣北三十里 如渾水 源出塞外由鎮羌堡水口

入縣境流入桑乾河

大同縣志 卷三

沿革

五

元省雲中入大同 元史地理志大同倚郭至元二年省西縣入焉按元時大同路無雲中縣則西縣當指雲中即今左雲以西地所謂雲西也

明仍為大同縣屬大同府 按明史地理志大同倚北有方山西

北有雷公山東有紇真山又東北有白登山又西有大河南有桑乾河西北有金河紫河又西有武周山又東有玉河南有十里河北有威寧海子又有孤店開山虎峪白陽等口俱在東北又北有貓兒莊今開山虎峪在陽高界白陽在天鎮界威寧海子貓兒莊在豐鎮界大河在朔平府界金河紫河俱在朔平邊

外

國朝因之順治五年移治西安堡在懷仁縣境九年復還倚郭編戶舊三十六里今一十四里現在民里十七里屯里十二里共二十九里

民里

南閭里

河合里

平旺里

永定里

辛寨里

秦城里

口泉里

馬坊里

蔚州里

大外里

小外里

西浮里

楊寨里

魯一里

魯二里

徐疇里

更名里

屯里

大同縣志

卷三

沿革

六

後左里

後中里

前左里

前右里

前中里

前前里

前後里

後右里

後後里

後前里

東餘里

西餘里

尹耕四郡考 夫大同之地古雲中九原定襄代郡趙秦漢之所置也趙并代以有代斥胡以有雲中九原而置郡則皆於赧王之十五年於是秦因之為三郡漢增置定襄為四郡夫秦漢時天下不過三十餘郡而北地處其四則夫西北之陬豈止是哉故嘗曰三代以來東南之地漸闢而西北之地漸淪固理勢之自然也今以其故城考之則雲中在勝州榆林九原即廢豐州代為蔚廢城定襄在今府城西北皆非今府城也以其屬考之則雲中有咸陽陶林沙南北與之屬九原有臨沃文國武都曼栢之屬定襄有成樂桐過襄陰復陶之屬代郡有高柳鹵城班大同縣志

大同縣志

卷三

沿革

氏平邑之屬皆非今所屬也然則今大同者雲中之東境定襄之南境代郡之北境而九原之南鄰也是故合其全則四郡不得不紀指其實則代南境為太原雲中定襄西北境與九原俱在塞外矣是則考輿廢者不可不知也

京東考古錄

世言燕雲十六州白石敬塘以賂契丹不屬中國

者四百四十餘年蓋不盡然考之於史晉高祖所割以畀契丹

者山前之州七曰幽

今順天府

曰薊

今薊州

曰瀛

今河間府

曰莫

今任邱縣

曰涿

今涿州

曰檀

今密雲縣

曰順

今順義縣

山後之州九曰新

今保安州

曰媯

今延慶府

曰

今朔州

曰

今永寧縣

曰武

今在朔州西境

曰雲

今大同府

曰應

今應州

曰寰

今馬邑縣

曰朔

今朔州

曰

今蔚州

而營平二州則後唐時契丹自以兵取之矣其後周

世宗復關南北則瀛莫二州復歸中國而其餘十四州遂淪於契丹并所取營平二州亦適得十六之數若霸州乃周世宗所置灤州乃契丹所置又不在十六州之內者也

周赧王十五年趙置雲中九原代郡 雲中舊城在勝州榆林縣東北九原舊城在大同西北卽唐改豐州者 趙置郡復築長城自代並陰山下至高關爲塞 陰山在朔州外高關在五原北兩山相對如關甚高

漢高帝十一年詔曰頗取山南太原之地益屬代代之雲中以西爲雲中郡 十二年分雲中置定襄郡

漢志雲中郡注秦置莽曰受降屬并州領縣十一 雲中注莽曰

大同縣志

卷三

沿革

八

遠服 咸陽注莽曰賁武 陶林注東部都尉治 楨陵注緣

胡山在西北西部都尉治莽曰楨陸 犢和 沙陵注莽曰希

恩 原陽 沙南 北輿注中部都尉治師古曰闕駟云廣陵

有輿故此加北 武泉注莽曰順泉 陽壽注莽曰常得

通典秦雲中郡今雲中單于府是也後魏道武自雲中徙都平城

卽此雲中今馬邑郡北平城卽今郡隋雲內縣恒安鎮也 雲

中漢舊縣隋曰雲內縣白登山白登臺漢高帝初被匈奴圍於

此有故高柳城參合陂後魏盛樂縣亦在今郡界單于臺在今

縣西北百餘里漢武元封元年勒兵十八萬騎出長城北登單

于臺

晉建興元年代公猗盧城盛樂為北都治故平城為南都又城新
平城於澠水之陽使其子六修居之 魏孝文帝生於平城紫
宮

地形志恒州注天興中置司州治代都平城太和中改孝昌中陷

天平二年置寄治肆州秀容郡城領郡八 代郡秦置孝昌中

陷天平二年置領縣四 平城注二漢晉屬雁門後屬 太平

武周注二漢屬雁門晉罷後復屬 永固 善無郡 梁城

郡天平二年置領縣二 參合注前漢屬代後漢晉罷後復屬

襍鴻注一本作祗鴻 繁峙郡 高柳郡 北靈邱郡 內

附郡 靈邱郡 附錄 雲州注舊置朔州後陷永昌中改寄治并

大同縣志 卷三 沿革 九

州界領郡四 盛樂郡注永熙中置領縣二 歸順注永興中

置州郡治 還安注永熙中治 雲中郡注秦置領縣二 延

民注永興中置 雲陽注永熙中置 建安郡注永熙中置領

縣二永定 永樂胥永熙中置 真興郡注永熙中置領縣三

真興 建義 南思胥永熙中置 中有大同地故附錄縣後

後魏天興元年秋七月遷都平城十二月徙六州二十二郡守宰

豪傑吏民二千家於代都 泰常七年九月辛亥築平城外郭

周回三十二里 魏定中山分徙吏民及徙何種人工伎巧十

萬餘家以充京都給耕牛計口受田天興初制定京邑東至代

郡西及善無南極陰館北盡參合為畿內田其外四方四維置

八部帥以監之勸課農耕量校收入以爲殿最又躬耕藉田率先百姓自後比歲大熟匹卜八十餘斛 天賜三年六月發八部人自五百里內繕修都城 尹耕曰魏畿封東至代則上谷不與西至善無則五原不與南極陰館則限以雁門北盡參合則舍置豐勝魏之畿內正與今日大同同也

唐會昌三年三月以雲朔蔚應諸州爲大同道罷屬河東置都團練使領之未幾改防禦使後升爲節度

唐志雲州雲中郡有雲中樓煩二守捉城

舊唐志雲州隋馬邑郡東雲內縣界恒安鎮也武德四年平劉武周六年置北恒州七年州廢貞觀十四年自朔州北定襄城移

大同縣志

卷三

沿革

十

雲州及定襄縣置於此

卽後魏所都平城

永淳元年爲賊所破因廢

州及

縣俱廢

乃移百姓於朔州開元二十年復爲雲州

仍改定襄縣爲雲中縣

天

寶元年爲雲中郡乾元元年復爲雲州領縣一在京師東北一千九百四十里去東都一千六百四十二里 貞觀四年四月

置雲中定襄都督府

雲中府唐雲州大同軍節度石晉以賂契丹契丹號爲西京宣和三年始得雲中府武應朔蔚奉聖歸化儒媽等州謂山後九州也

宋慶曆四年十一月遼號雲中爲西京置大同府 遼志西京大同府趙武靈王始置雲中郡秦屬代王國後爲平城縣魏屬新

興郡晉仍屬雁門劉琨表封猗盧為代王都平城元魏道武建都孝文改為司州牧置代尹遷洛改萬年又置恒州齊文宣廢州為恒安鎮今謂之東城尋復恒州周復恒安鎮改朔州隋仍為鎮唐武德四年置北恒州七年廢貞觀十四年移雲中定襄縣於此永淳元年移民朔州開元十八年置雲中州天寶元年改雲中郡乾元元年曰雲州乾符三年李國昌為大同軍節度使子雲中守捉使李克用據州廣明元年奔北地後敗黃巢取雲南既而與太祖會於雲州之東城後唐同光三年復以雲州為大同軍節度使晉高祖初割山前代北地為賂大同來屬因建西京敵樓棚櫓具廣袤二十里門東曰迎春南曰朝陽西曰

大同縣志

卷三

沿革

十一

定西北曰拱極元魏宮垣占城之北面雙闕尚在清寧八年建華嚴寺奉安諸帝石像銅像又有天王寺留守司衙南曰西省北門之東曰大同府北門之西曰大同驛初為大同軍節度重熙十三年升為西京府曰大同 大同縣本大同川地

按趙武靈王始置雲中郡大同縣本大同川地此二條考據未確不辨而自明也

雲中城在北郭外後漢建遼為西京唐為雲中郡近又有故高柳城參合陂

宣德廢縣在城西北八十里本遼宣德縣置德州昭聖軍金廢州改縣曰宣德隸大同府元因之明省

雲中辨 大同之號雲中郡也兆於後周昉於唐相沿且千數百載昔蘇秦說燕文侯曰燕西有雲中九原趙武靈王二十六年攘地北至代西至雲中九原又嘗欲將士大夫繇其境直南襲秦是二郡者趙之西界秦之北界也秦置雲中郡漢因之領縣十一治雲中後漢無犢和陽壽以定襄郡之定襄盛樂武進隸焉漢末郡廢入新興郡後魏仍置雲中郡領延民縣太平真君七年以雲中縣屬永安郡之定襄永熙中又置雲陽縣郡本隸朔州改曰雲州此元魏以前雲中郡之大畧也今之大同漢雁門郡之平城元魏之代都也代公猗盧六年城盛樂爲北都修故平城爲南都天興初置司州太和中改恒州洎齊天保中

大同縣志

卷三

沿革

三

州廢爲恒安鎮隸太平縣終魏齊之世不聞以平城爲雲中郡也後周始改太平縣曰雲中隋曰雲內恒安鎮屬焉唐貞觀十四年自朔州北定襄城徙雲州暨定襄縣來治洎開元二十年改定襄縣爲雲中平城之號雲中於是乎始呂令問賦平城曰雲中古城是也夫秦漢之雲中古城以唐志覈之雲中都護府爲近其地負陰山帶黃河卽元魏之盛樂故都也然元魏之盛樂以爲後漢之雲中郡地則可以爲秦漢之雲中郡城則不可何者范史郡國志凡縣名先書者必郡所治而漢雲中郡胥治雲中縣以是知盛樂之非雲中故郡也今卽以唐志推之龍朔三年置雲中都護府麟德元年改單于大都護府東北距朔州

五百五十七里計其距恒安鎮蓋不翅四五百里而後人乃概
號爲雲中亦已疎矣其說兆於後周昉於唐而遼西京志又從
而實之謂趙武靈王嘗置雲中郡於此又謂雲中縣趙置是蓋
以唐郡爲漢郡而不知唐之置雲州於恒安鎮與僑郡同匪故
郡也遼志業以大同爲雲中郡故以奉義爲漢陶林懷仁爲漢
沙南二縣胥雲中屬也以漢地覈之當在平城之西北不當在
平城之東南其謬蓋與雲中郡之說等又嘗考之唐之中受降
城西二百里有大同川其東爲故大同城又嘗於朔州鄯陽縣
東三十五里置大同軍城胥非大同川故地也遼重熙十七年
西夏犯邊始析雲中置大同縣而遼志云大同縣本大同川地

大同縣志

卷三

沿革

十三

然則古郡縣之遷移而寢失其真者又可勝道哉

大同辨 今大同縣漢平城地也魏屬新興郡晉屬雁門郡後
魏屬代郡隋爲雲內縣初屬朔州後屬馬邑郡有紇真山白登

山武周山有濕水

見隋志

唐貞觀置定襄縣尋廢開元復置縣曰

雲中爲雲州治遼析雲州置大同縣金元以後皆無異名周遼
志暨明一統志山西舊通志皆指縣地爲大同川地考唐書中
受降城西二百里大同川有天德軍大同川之西有天安軍皆
天寶十三載置天德軍乾元後徙屯永濟柵故大同城也元和
九年李吉甫奏修復舊城北有樂樂成此皆在長城之外距今
縣七百餘里舊志胥悞